



Broj: 01/4-16-10-2128/22

Sarajevo, 25. 5. 2023.

PRIMLJENO: 29-05-2023		
Organizaciona jedinica	Klasifikaciona oznaka	Redni broj

Na osnovu člana 86. stav (1) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20 i 53/22), Kolegij Predstavničkog doma Parlamentarne skupštine BiH, radeći kao komisija u kojoj su: Denis Zvizdić, predsjedavajući, Marinko Čavara, prvi zamjenik predsjedavajućeg, i Nebojša Radmanović, drugi zamjenik predsjedavajućeg Predstavničkog doma Parlamentarne skupštine BiH, Predstavničkom domu Parlamentarne skupštine BiH podnosi

IZVJEŠTAJ

o nastojanju za postizanje saglasnosti o prijedlogu zaključaka poslanika: Aide Baručije, Sabine Čudić, Saše Magazinovića, Jasmina Emrića i Šemsudina Mehmedovića povodom rasprave o Izvještaju o izvršenoj reviziji učinka o temi: „Aktivnosti institucija BiH na osiguranju osnovnih pretpostavki za kibernetičku sigurnost“, predlagač: Ured za reviziju institucija BiH

Članovi Kolegija Predstavničkog doma Parlamentarne skupštine BiH, radeći kao komisija, **nisu postigli saglasnost** o prijedlogu zaključka poslanika: Aide Baručije, Sabine Čudić, Saše Magazinovića, Jasmina Emrića i Šemsudina Mehmedovića povodom rasprave o Izvještaju o izvršenoj reviziji učinka o temi: „Aktivnosti institucija BiH na osiguranju osnovnih pretpostavki za kibernetičku sigurnost“, predlagač: Ured za reviziju institucija BiH, koji na nastavku 6. sjednice Predstavničkog doma Parlamentarne skupštine BiH, održanom 24. 5. 2023, prilikom glasanja nisu dobili entitetsku većinu.


Prijedlog zaključka glasi:

1. „Predstavnički dom Parlamentarne skupštine BiH zadužuje Vijeće ministara BiH da, u roku od 30 dana, izradi i usvoji Akcioni plan realizacije preporuka iz izvještaja revizije učinka 'Aktivnosti institucija BiH na osiguranju osnovnih pretpostavki za kibernetičku sigurnost', s utvrđenim rokovima izvršenja i nosiocima aktivnosti, te da o tome izvijesti Predstavnički dom.
2. Predstavnički dom Parlamentarne skupštine BiH zadužuje Vijeće ministara BiH da preduzme dodatne mjere kako bi se ažurirao period provođenja, unaprijedio i osigurao veći stepen primjene Politike upravljanja informacionom sigurnošću u institucijama Bosne i Hercegovine i o tome izvijesti Predstavnički dom.
3. Predstavnički dom Parlamentarne skupštine BiH zadužuje Ministarstvo sigurnosti BiH da, u roku od 30 dana, izvijesti Predstavnički dom o preduzetim mjerama za prevazilaženje prepreka prilikom uspostave Tima za odgovor na računarske incidente (CERT) i da u roku od 60 dana izvijesti Predstavnički dom o preduzetim aktivnostima i mjerama kako bi se izradio strateški okvir kibernetičke sigurnosti.

4. Predstavnički dom Parlamentarne skupštine BiH zadužuje Ministarstvo komunikacija i prometa BiH i Ministarstvo sigurnosti BiH da, u roku od 90 dana, u parlamentarnu proceduru upute Prijedlog zakona o informatičkoj sigurnosti Bosne i Hercegovine i Prijedlog zakona o kritičnoj infrastrukturi.“

Kolegij Predstavničkog doma Parlamentarne skupštine BiH sastavio je o tome izvještaj.

Izvještaj se upućuje Predstavničkom domu Parlamentarne skupštine BiH, u skladu s članom 86. stav (3) Poslovnika Predstavničkog doma Parlamentarne skupštine Bosne i Hercegovine.



Predsjedavajući
Predstavničkog doma
Dr. Denis Zvizdić

Prvi zamjenik
predsjedavajućeg
Marinko Čavara

Drugi zamjenik
predsjedavajućeg
Nebojša Radmanović

